



ЯКЯФІСТЫ

ЧИТАЕМЫЕ  
В БОЛЕЗНИ  
И СКОРБИ

Сборник

**Акафисты читаемые  
в болезни и скорби**

«Московское Троицкое Подворье Свято-Троицкой  
Сергиевой Лавры Русской Православной Церкви»

2001

## **Сборник**

Акафисты читаемые в болезни и скорби / Сборник —  
«Московское Троицкое Подворье Свято-Троицкой Сергиевой  
Лавры Русской Православной Церкви», 2001

ISBN 5-7789-0119-4

«Если приходит скорбь – надо больше молиться», – наставлял известный аскет и подвижник, святитель Игнатий (Брянчанинов). Ведь молитва – это самое верное средство к врачеванию всех болезней как душевных, так и телесных. Поэтому у православных христиан с древнейших времен принято обращаться с молитвой не только к Богу – Творцу и Устроителю всей нашей жизни, но и к Божией Матери и святым угодникам Божиим. Святым целителям мы молимся потому, что многие из них за свое твердое исповедание веры Христовой еще в земной жизни сподобились у Господа дара врачевания страждущих, а по своем отшествии в небесные обители стяжали и особую благодать у Бога быть заступниками и ходатаями пред Ним об оставлении всех наших согрешений, вольных или невольных, и избавлении от всех скорбей и болезней. Акафисты, читаемые в болезни и скорби Матери Божией мы молимся потому, что Она ближе всех к Богу и вместе с тем близка также и к нам. Ради Ее материнской любви и Ее молитв Господь дарует нам прощение, утешает и укрепляет нас в вере, о чем свидетельствуют явленные нам, страждущим, иконы Божией Матери, от которых происходят чудеса и исцеления. Только молиться надо с верою, помня слова Господа: Просите, и дано будет вам (Мф. 7, 7). А если молясь и не получаем тотчас просимого, то само пребывание в молитве для человека есть благо и счастье, ибо, постоянно беседуя с Божией Матерью и святыми угодниками Божиими, мы приобретаем себе заступников и молитвенников на небесах.

ISBN 5-7789-0119-4

© Сборник, 2001  
© Московское Троицкое Подворье  
Свято-Троицкой Сергиевой Лавры  
Русской Православной Церкви, 2001

## Содержание

От издателей	7
Акафист Пресвятей Владычице нашей Богородице в честь иконы Ея, именуемой «Всех скорбящих Радость»	8
Акафист Пресвятей Владычице нашей Богородице в честь иконы Ея, именуемой «Казанской»	16
Конец ознакомительного фрагмента.	19

# Акафисты читаемые в болезни и скорби



По благословию Святейшего Патриарха Московского и всея Руси Алексия II



## От издателей



«Если приходит скорбь – надо больше молиться», – наставлял известный аскет и подвижник, святитель Игнатий (Брянчанинов). Ведь молитва – это самое верное средство к врачеванию всех болезней как душевных, так и телесных. Поэтому у православных христиан с древнейших времен принято обращаться с молитвой не только к Богу – Творцу и Устроителю всей нашей жизни, но и к Божией Матери и святым угодникам Божиим.

Святым целителям мы молимся потому, что многие из них за свое твердое исповедание веры Христовой еще в земной жизни сподобились у Господа дара врачевания страждущих, а по своем отшествии в небесные обители стяжали и особую благодать у Бога быть заступниками и ходатаями пред Ним об оставлении всех наших согрешений, вольных или невольных, и избавлении от всех скорбей и болезней.

Акафисты, читаемые в болезни и скорби Матери Божией мы молимся потому, что Она ближе всех к Богу и вместе с тем близка также и к нам. Ради Ее материнской любви и Ее молитв Господь дарует нам прощение, утешает и укрепляет нас в вере, о чем свидетельствуют явленные нам, страждущим, иконы Божией Матери, от которых происходят чудеса и исцеления.

Только молиться надо с верою, помня слова Господа: Просите, и дано будет вам (Мф. 7, 7). А если молясь и не получаем тотчас просимого, то само пребывание в молитве для человека есть благо и счастье, ибо, постоянно беседуя с Божией Матерью и святыми угодниками Божиими, мы приобретаем себе заступников и молитвенников на небесах.



## **Акафист Пресвятей Владычице нашей Богородице в честь иконы Ея, именуемой «Всех скорбящих Радость» Во всякой скорби и болезни**



### **Кондак 1**

Взбранней Воеводе победительная, яко избавльшися от вечныя смерти благодатию от Тебе рождшагося Христа Бога нашего и Твоим матерним пред Ним ходатайством, благодарственная восписуем Ти, раби Твои: яко имущая державу непобедимую, от всяких нас бед и скорбных обстояний свободи, зовущих: радуйся, Благодатная Богородице Дево, всех скорбящих Радосте.

### **Икос 1**

Ангел предстатель послан бысть с небес рещи Богородице: радуйся, возвещая Божественным воплощением Христовым хотящую родитися от Нея Радость всему миру, в скорби погибающе. Темже и мы, грехми обремененнии, надежду спасения в Тебе улучивше, умильно взываем Ти:

Радуйся, Божие ко грешным благоволение; радуйся, кающихся пред Господом Богом крепкое заступление.

Радуйся, падшаго Адама воззвание; радуйся, слез Евиных избавление.

Радуйся, греховную отъемлющая скверну; радуйся, бае, омывающая совесть.

Радуйся, рождающая Избавителя, беззакония наша туе очищающего; радуйся, всечудное всех к Богу примирение.

Радуйся, мсте, воистину преводяй нас от смерти к животу; радуйся, мир от потопа греховнаго спасающая.

Радуйся, лестнице небесная, еюже Господь к нам сниде; радуйся, вина всех обожения.

Радуйся, Благодатная Богородице Дево, всех скорбящих Радосте.

### **Кондак 2**

Видяще токи чудес, изливаемая от святыя Твоея иконы, благая Богородительнице, яко Ты еси молящихся благая помощница, обидимых заступница, надеющихся надежда, печальных утешение, алчущих кормительница, нагих одеяние, девственных целомудрие, страннных наставница, труждающихся помощь, слепых прозрение, глухих благослышание, больных исцеление, благодарственне вопием о Тебе Богу: Аллилуиа.

## Икос 2

Разум недоразумённый находящих на ны лютых скорбей разумети ища, к Тебе прибегаем, о Мати и Дево, утешения трéбуя. Ты же, яко благая, научи ны разумети в них благого Сына Твоего милосёрдное промышление во спасение душ наших и очищение многих согрешений, да взываем Ти радостно:

Радуйся, обуреваемых тихое пристанище; радуйся, сумнящихся известное утверждение.

Радуйся, едина Мати милосердия; радуйся, скорая помощнице сущим в бедах и напастех.

Радуйся, скорбьми грехи наша очищающая; радуйся, печалию наша немощи душевныя врачующая.

Радуйся, суетныя радости мира сего презирати нас научающая; радуйся, от мира к премёрным ум наш возводящая.

Радуйся, от любве земныя к небесней Божией любви нас привлекающая; радуйся, в самых страданиях наших утешение и благодатную жизнь нам подающая.

Радуйся, обетование благ вечных; радуйся, ходатаице вечныя радости.

Радуйся, Благодатная Богородице Дево, всех скорбящих Радосте.

## Кондак 3

Силою свыше укрепи мя, благая Владычице, недугующа телом и душею, и посещения Твоего сподоби и промышления, мрак уныния и скорби, облежající мя, отгоняя, да спасаемый Тобою, непрестанно вопию Богу: Аллилуиа.

## Икос 3

Имуще богатство милосердия неизречённое, всем скорбящим руку помощи простираеши, недуги врачующи, страсти исцеляющи. Не презри и мене, благая Владычице, на одре немощи моея низлежаща и вопиюща Ти:

Радуйся, милости сокровище многоценное; радуйся, отчаянных едина надеждо.

Радуйся, тела моего врачевание; радуйся, души моея спасение.

Радуйся, твердая крепосте немощных; радуйся, изнемогающих заступнице и укрепление.

Радуйся, гнев Божий Твоим молением скоро утоляющая; радуйся, страсти наша силою молитв Твоих укрощающая.

Радуйся, слепых зрение, глухих слышание; радуйся, хромых хождение, немых глаголение.

Радуйся, болящих благонадежное посещение; радуйся, яко Тобою по мере веры подаются благодатная исцеления всем немощствующим.

Радуйся, Благодатная Богородице Дево, всех скорбящих Радосте.

## Кондак 4

Буря многих бед и напастей обдержит мя, и волнения не ктому терплю: Ты же, яко милостивая Мати Спаса моего и Бога, воздвигни руке к Сыну Твоему молящи Его, да призрит на лютую скорбь сердца моего и воздвигнет мя из пучины отчаяния, вопиющаго Ему: Аллилуиа.

### Икос 4

Слы́шаши, Пресвятая Дево и Мати, Симебна праведнаго прорече́ние: Тебе же Самой ду́шу про́йдет оружие, слагала еси́ в се́рдце Твоем вся глаголы сия, понимающе, яко радость ма́терняго се́рдца о ча́дех многих печалей в мире сем бывает прича́сна. Темже, яко искуше́нней по всяческому и спострада́ти ма́терней ско́рби могу́щей, взываем Ти:

Радуйся, радость миру Христа Спасителя рождающая; радуйся, мир от скорбей избавляющая.

Радуйся, хуления и клеветы на Сына Твоего терпевшая; радуйся, страданием Его пострадавшая.

Радуйся, скорбных матерей утешение; радуйся, чад их благодатное охранение.

Радуйся, в бедах скорое нам заступление; радуйся, заблуждших исправление.

Радуйся, младенцев питание; радуйся, юных наставление.

Радуйся, Мати сиротствующих; радуйся, вдов заступление.

Радуйся, Благодатная Богородице Дево, всех скорбящих Радосте.

### Кондак 5

Боготочную Кровь Сына Твоего, на Кресте за спасение наше изливаемую, зрящи, яко Раба Господня, смиренно воли Отца, Иже на небесех, повинующаяся, нам образ злострадания и терпения явила еси́, да и мы, в пещи искушений и бед сущии, вопием смиренно Богу: Аллилуиа.

### Икос 5

Ви́дя Тя, Сын Твой и Бог, при Кресте́ стоящую с возлюбленным учеником и се́рдцем Ему сраспинающуюся, глаголаше: Жено, се, сын Твой, и ученику: се, Ма́ти твоя, всыновляя Тебе вся верующия в Него. Мы же, яко общницы ско́рби и страданий Сына Твоего, имуще в Тебе благоу Ма́терь, на Тя все упование в ско́рби возлагающе, вопием Ти:

Радуйся, Ма́ти рода христианскаго; радуйся, усыновившая нас при Кресте́ Сына Твоего.

Радуйся, Бо́га с челове́ки соединившая; радуйся, верных Го́сподеви сочетавшая.

Радуйся, Агнице, рождающая Агнца, вземшаго грехи́ мира; радуйся, ча́ше, че́рплющая нам радость от Источника безсмертия.

Радуйся, споручнице спасения грешных; радуйся, взыскание погибших.

Радуйся, неча́нная грешных ра́досте; радуйся, па́дших воста́ние.

Радуйся, целительнице всех немо́щей; радуйся, утоление всякия печали.

Радуйся, Благодатная Богородице Дево, всех скорбящих Радосте.

### Кондак 6

Проповедуют милости Твоя, Богомати, вси концы́ вселенныя, и́бо честным покрóвом Твоим покрываеши весь род христианский, о немже непрестанно мо́лишися Христу Спасителю нашему́ и избавляеши от всех бед благонравныя и богобоя́щияся рабы́, верно вопиющия Богу: Аллилуиа.

## Икос 6

Возсия благодать светозарная от пречудныя иконы Твоея, Богомати, пред неюже со слезами припадающе, молим Ти ся: отжени облак нашедших на ны искушений, да вопием Ти радостно:

Радуйся, приносящая к Сыну Твоему и Богу моления верных; радуйся, и Сама у Престола Сына Твоего непрестанно молящаяся о нас.

Радуйся, предстательнице к Богу, мир от бед спасающая; радуйся, заступнице рода христианскаго, от Бога нам дарованная.

Радуйся, древо благосеннолиственное, имже покрываются мнози; радуйся, древо светлоплодовитое, имже питаются вернии.

Радуйся, покрове миру, ширший облака; радуйся, земле обетования, из неяже течет мед и млекко.

Радуйся, светлый облаче, верный непрестанно освещающий; радуйся, столпе огненный, наставляяй избранныя к небесному наследию.

Радуйся, ниво, растящая обилие щедрот; радуйся, подательнице всякия благодати.

Радуйся, Благодатная Богородице Дево, всех скорбящих Радосте.

## Кондак 7

Хотящи явити токи чудес от Своея иконы, Всех скорбящих Радости, повелела еси, Владычице, болящей Евфимии молебная пения пред тою совершати, и получивши исцеление всем проповедати милости, ради тоя иконы явленных, да не сокрыт будет источник благодатных изцелений всем требующим. Темже и мы не тайм Твоих благодеяний, но благодарственне прославляюще Бога, вопием Ему: Аллилуйя

## Икос 7

Новая купель Силоамская паче бныя древняя явися, Пречистая Владычице, храм Твой, в немже покланяемся чудотворней иконе Твоей: ибо не единою в лето и токмо первее входящим здравие тела подаеши, но всегда всякий недуг и всякую язву душевную и телесную врачуеши с верою и любовью к Тебе прибегающих. Сего ради вопием Ти:

Радуйся, купель, в нейже вся скорби наша погружаются; радуйся, чаше, еюже радость и спасение восприемлем.

Радуйся, камню, напоивший жаждущия жизни; радуйся, древо, услаждающее сланные воды житейскаго моря.

Радуйся, животворная воды неистощимый источнике; радуйся, бане, омывающая греховную скверну.

Радуйся, скорбей наших услаждение; радуйся, печалей наших утешение.

Радуйся, болезней наших врачевание; радуйся, бед избавление.

Радуйся, демонов попрание; радуйся, врагов посрамление.

Радуйся, Благодатная Богородице Дево, всех скорбящих Радосте.

## Кондак 8

Странники и пришельцы вси есмь на земли сей, по глаголу апостолу: беды от врагов, беды от сродник, беды от лжебратии терпяще в лишениях многих и скорбех. Ты же, Влады-

чице, яко благая Одигитрие, настави нас к тихому пристанищу, и моли Сына Твоего прощению прегрешений нам прежде конца дароватися, да непрестанно вопием Богу: Аллилуиа.

### Икос 5

Все житие наше на земли болезненно и печали исполнено от клеветы, досаждения, укорения и иных многовидных бед и напастей: немощствует бо тело, изнемогает и дух наш. К Тебе убо прибегаем, Богомати, пред пречистою иконою Твоею припадающе, исполни радости и веселия скорбная сердца наша, да вопием Ти:

Радуйся, путеводительнице, к небесному отечеству нас руководящая; радуйся, Царице неба и земли, врата райская нам отверзающая.

Радуйся, милостивая, нас милующая; радуйся, домостроительнице, житие наше добре устрояющая.

Радуйся, руну орошенное, еже Гедеон предвиде; радуйся, блаженное чрево, невместимаго всеми Бога вместившее.

Радуйся, купину неопалимая; радуйся, нерушимая стена.

Радуйся, живоносный источник; радуйся, цвете неувядаемый.

Радуйся, смягчение злых сердец; радуйся, умирение благих.

Радуйся, Благодатная Богородице Дево, всех скорбящих Радосте.

### Кондак 9

Всякая житейская в мире сем сладость печали бывает причастна: слава не стоит, богатство мимотечет, лепота и здравие увядают, друзи и искреннии смертию отъемлются. Услади убо наша скорби, благих виновная, Твою нетленную даючи радость нам вопиющим Богу: Аллилуиа.

### Икос 9

Ветия многовещанная недоумеют, кийми словесы скорбящая утешати, но Сама, Владычице, возлагла сердцам нашим утешение, благодати Твоея лучами облак скорби наша и мрак уныния разгоняющи, да зываем Ти:

Радуйся, обрадовавшая надежанием на Тя всех христиан; радуйся, радости и умирение миру.

Радуйся, подательнице Божественных благости; радуйся, надеждо благ вечных.

Радуйся, кораблю хотящих спастися; радуйся, пристанище житейских плаваний.

Радуйся, верная хранительнице уповающих на Тя по Бозе; радуйся, одеждо нагих дерзновения.

Радуйся, хранительнице всех и утверждение; радуйся, всех верных ограждение и священное прибежище.

Радуйся, помощи верно молящихся Тебе; радуйся, светлое благодати познание.

Радуйся, Благодатная Богородице Дево, всех скорбящих Радосте.

### Кондак 10

Спасти хотяй род человеческий от вечных муки и непрестающая скорби, Человеколюбец Господь в приснодевственную утробу Твою вселися и Тебе, Матерь Свою, дарова погибающим в помощь, покров и защищение, да будешь печальным утешение, скорбящим радование, отча-

янным надежда, вечныя муки Своим ходатайством избавляющая и к небесному веселию приводящая всех, верно вопиющих Сыну Твоему и Богу нашему: Аллилуиа.

### **Икос 10**

Стенá еси дéвам, Богородице Дево, и всем к Твоему покрóву прибегающим. Темже молим Тя: заступí, покрый и соблюди всех сiрых и безпóмощных от искушений, озлоблений и бед, Тебе с любовью взывающих:

Радуйся, стóлпе дéвства; радуйся, чистоты и целомудрия сосóуде избранный.

Радуйся, вои́нствующим на плоть целомóдрием изрядное венчáние; радуйся, во ино́честве благоскорб́ящим подательнице вечнаго радования.

Радуйся, пламень страстéй изменяющая; радуйся, мрак искушений прогоняющая.

Радуйся, наставнице целомудрия; радуйся, чистоты ограждение.

Радуйся, исправление челове́ков; радуйся, Еюже от падения востáхом.

Радуйся, твердое веры утверждение; радуйся, приятное молитвы кади́ло.

Радуйся, Благодатная Богородице Дево, всех скорбящих Радосте.

### **Кондак 11**

Пение всеумилéнное принóсим Ти, раби Твои, Богородице, я́ко всесильней заступнице рода нашего: утоли болезни многовоздыхáющия души́ моя́я, укроти́ гнев Божий, пра́ведно на ны двíжимый грех ради наших, избави нас от всякия лю́тыя скóрби и болезни, вопиющих о Тебе Богу: Аллилу́иа.

### **Икос 11**

Светопрíемная свещá, углем благодати Божия возжéнная, яв́ися нам пречестна́я икона Твоя, Владычице, на освящение наше и утешéние. Мы же, любовью чту́ще ю и с верою припадающе к ней, вопием Ти:

Радуйся, сильным Твоим заступлением от всех бед нас избавляющая; радуйся, от тру́са и потóпа нас защищающая.

Радуйся, от гла́да душевнаго и телеснаго нас снабдевающая; радуйся, огонь рососою молитв Твоих угашающая.

Радуйся, от смертнаго губительства нас спасающая; радуйся, в бра́нех крепкая помощнице.

Радуйся, от нашествия иноплемéнных нас ограждающая; радуйся, от междоусóбных брани охраняющая.

Радуйся, плавающих легкое по вода́м прехождение; радуйся, путешествующих добрая водíтельнице.

Радуйся, пленных свобожде́ние; радуйся, от належа́щаго пра́веднаго прещéния Божия скорое избавление.

Радуйся, Благодатная Богородице Дево, всех скорбящих Радосте.

### **Кондак 12**

Благодати залóг восхотевши да́ти роду нашему, цельбоносную икону Твою явила еси́ нам, Богомати, от не́яже то́ки чудéс с верою приходящим источаются, недузи врачúются и скóрби утоляются. Сего ради радостно о Тебе вопием Богу: Аллилу́иа.

## Икос 12

Поюще Твоя милости и чудеса, Богородительнице, хва́лим Тя вси, яко твердую предста-  
тельницу нашу, и со умилением покланяемся Тебе, молящейся о нас, и просим: воздвигни рúце  
к Сыну Твоему, да всегда в сей жизни и по смерти нашей милосердие Его неотступно будет  
от нас, взывающих Ти:

Радуйся, непостыдное наше упование в животé и по преставлénии нашем; радуйся, упо-  
вающим на Тя мiрен конец жития сего подающая.

Радуйся, в день сýдный наша надеждо и защищénие; радуйся, Судий праведнаго умо-  
лénие.

Радуйся, геённы вечныя избавление; радуйся, надеждо вечнаго спасения.

Радуйся, ключú Царствия Христова; радуйся, двéре райская.

Радуйся, мбсте, к небесем приводяй; радуйся, всех кающихся грешников прибежище и  
благая заступнице.

Радуйся, Ангелов радости; радуйся, всех праведных славо и утешение.

Радуйся, Благодатная Богородице Дево, всех скорбящих Радосте.

## Кондак 13

О Всепётая Богообрадованная Мати, рóждшая на радость небу и землi Царя Христа,  
Бога нашего! Услыши глас скорбящих раб Твоих, и приёмши сие малое моление наше, избави  
нас от всяких бед, скорбей и напáстей; недúги наша исцели, напрасныя клеветы потреби, всяку  
злóбу и вражду отжени от нас, и будущия изми мýки о Тебе вопиющих: Аллилуиа.

*Этот кондак читается трижды, затем 1-й икос «Ангел предста́тель...» и 1-й кондак  
«Взбра́нней Воеводе...»*

## Молитва

О Пресвятая Владычице и Богородице, высшая Херувим и честнейшая Серафим, Бого-  
избранная Отроковице, всех скорбящих Радосте! Подáждь утешénие и нам, в скорби сýщым:  
рáзве бо Тебе иного прибежища и пóмощи не ймамы. Ты еди́на еси радости нашея ходáтаица,  
и яко Матерь Божия и Мати милосердия, предсто́я у Престола Пресвятыя Трбицы, мбжеши  
нам пoмощи: никто́же бо притека́яй к Тебе посра́млен отходит. Услы́ши у́бо и нас ныне в  
день скорби пред Твоею иконою припадающих и со слезами Тебе молящихся: отжени от нас  
належа́щая на нас скóрби и печали в сей вре́менной жизни, не лишены же ны сотвори Твоим  
всесильным ходатайством и вечныя нескончаемыя радости в Царствии Сына Твоего и Бога  
нашего. Аминь.

*Икона «Всех скорбящих Радость» находится в Преображенском храме на Ордынке в  
Москве. История этой иконы такова: в 1688 году сестра Патриарха Московского и всея Руси  
Иоакима Евфимия, долго страдавшая неизлечимой болезнью, однажды услышала голос, при-  
зывавший ее пойти помолиться перед образом Божией Матери «Всех скорбящих Радость» на  
Ордынку и заказать совершение молебна с водосвятием. Евфимия выполнила указание свыше  
и исцелилась.*



# Акафист Пресвятей Владычице нашей Богородице в честь иконы Ея, именуемой «Казанской» От глазных болезней и слепоты



## Кондак 1

Избранней от всех родов Заступнице рода христианского, покровом Своея благодати покрывающей страну нашу православную, благодарственная пения приносим Ти, Богородице, о явлении чудныя Твоея иконы. Ты же, яко всемилостивая, всех притекающих к Тебе помощнице, заступай нас во всех скорбех и нуждах, бедех и напастех, да зовем Ти: радуйся, Заступнице усердная рода христианского.

## Икос 1

Ангел предстатель послан бысть рещи Богородице: радуйся, егда Бог Слово воплощашеся во утробе Ея; и мы, грешнии, прославляюще явление чудныя Ея иконы и Божественнаго Младенца Спаса Христа, со умилением вопием Благодатней:

Радуйся, Богоизбранная Отроковице; радуйся, Мати Божия.

Радуйся, Царице небесé и земли; радуйся, светлое Църкве Небесныя и земныя украшение.

Радуйся, Ангелы чтимая; радуйся, певаемая от Серафим.

Радуйся, светлое пророческое сбытие; радуйся, апóстолов похвалó.

Радуйся, мученическое исповедание; радуйся, преподобных вѣнче.

Радуйся, праведных веселие; радуйся, грешных упование.

Радуйся, Заступнице усердная рода христианского.

## Кондак 2

Видящи, Всенепорочная, с высоты небеснаго жилища Своего, идеже с Сыном Твоим в славе пребываеши, скорбь рабов Твоих в новопросвещенном граде, яко гневнаго ради Божия посещения вера Христова поругаема бывает агарянским зловерием, благоволила еси явити икону Свою, чудесы ю прославляюще, да утверждаеми знаменьями Твоея благодати, христоролюбивии людие верно вопиют Богу: Аллилу́иа.

## Икос 2

Разумение трикратнаго явления Богоматере мудрая отроковица ищущи, течé ко властém, повѣдающи им дивное явление и грозное прещение; мы же, дивящеся свыше данному отроковице вразумлению, благоговейно вопием к Преблагословенней:

Радуйся, устнами чистыми хвалу Бѳгови совершающая; радуйся, тайны благодати Божия верным открывающая.

Радуйся, верных известная похвало; радуйся, молнии, неверных устрашающая.

Радуйся, славою чудес Твоих верных разум озаряющая; радуйся, агарянскаго зловерия обличение.

Радуйся, гордыни их низложение; радуйся, веры христианския утверждение.

Радуйся, почитания святых икон освящение; радуйся, скорбь нашу в радость претворяющая.

Радуйся, несумненною надеждою нас увеселяющая; радуйся, Заступнице усердная рода христианскаго.

### Кондак 3

Сила Вышняго благодатию Богоматере умудри и укрепи отроковицу к исканию многоценнаго Божия дара, и та с верою дерзаящи о Господе, приступи к труду и, скрытое в земли обрѣтши сокровище святых иконы Богоматерни, радостно возопи к Богу: Аллилуиа.

### Икос 3

Имеючи благоутробное промышление о новопросвещенных людех града Казани, от пречестных Твоея иконы токи чудес источила еси, Владычице, слепым телесными очима зрение подаваючи, омраченных же душевно светом богопознания и благочестия озаряючи, девствующим под осенением Твоея иконы пристанище небурное даруючи. Сего ради зовем Ти:

Радуйся, явлением иконы Твоея тьму лютых обстояний отгоняющая; радуйся, лучами чудес Твоих всех просвещающая.

Радуйся, слепых прозрение; радуйся, омраченных смыслом просвещение.

Радуйся, славо Православия; радуйся, тихое пристанище ищущих спасения.

Радуйся, Мати целомудрия; радуйся, покрове и ограждение девства.

Радуйся, Еюже ликовствует все множество верных; радуйся, Еяже ради рыдает демонское полчище.

Радуйся, всех христиан вождельная помощнице; радуйся, всех скорбящих радости.

Радуйся, Заступнице усердная рода христианскаго.

### Кондак 4

Бурю смятений и крамблы врагами воздвигнутую в стране нашей утолити тщаясь блаженный Ермоген, писатель чудес Твоея, Богомати, иконы, слезно пред нею молящися и, видев, яко воинству православному в щит и победное знамение Твоя икона даровася, верою укрепляемый до конца живота своего, вопияше Богу: Аллилуиа.

### Икос 4

Слышавше православному воину откровенную преподобным Сергием святителю Арсению тайну, яко предстательством Богоматере суд об отечестве нашем преложен на милость, икону Богоматерню, яко знамя победное, приимше, исхитиша мать градв русских из рук супостат и возопиша заступнице христиан:

Радуйся, Мати Бога Вышняго; радуйся, яко за всех молиши Сына Твоего, Христа Бога нашего.

Радуйся, яко всем твориши спастися, в державный Твой покров прибегающим; радуйся, заступнице всех сущих в скорбех и болезнях.

Радуйся, всем молящимся с сокрушенным сердцем пред пречистым Твоим образом полезная дарующая; радуйся, избавление зол всем, невозвратно надежду имущим на Тя.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.